

重錄總校官 濟鄒 臣 高拱

學士 臣 陳以給

分校官 修撰 臣 丁上美

寫書官 司務 臣 黎民表

圖監主 臣 馬宗華

臣 詹建華

永樂大典卷之七千三百二十六 十八陽

郎

左武郎

沿革宋史職官志政和二年詔易武選階以東上閣門副使為左武郎

右武郎

沿革宋史職官志政和二年詔易武選階以西上閣門副使為右武郎

事實宋張廣東憲集吳益轉右武郎制勅具官某禮隆宮掖澤被私門同氣之親宜膺異寵陞副橫列庸侈國恩范石湖大全集閣門宣贊舍人幹辦皇城司吳璩施行親從推塚子可轉右武郎制張任天下武勇以備容衛三歲校藝咸以序陞以爾選練之勞厥有成効選官懋賞其克祗承陳止齋集皇后歸謁家廟親姪忠訓郎閣門宣贊舍人幹辦軍頭司李孝純武經郎帶御器械幹辦皇城司李孝友各特轉右武郎勅制勅具官某等朕惟古后妃有求賢審官之志而不私謁而人主則特隆於肺腑之親夫惟后妃彌選人主彌恩斯可觀已日者吾后省家廟爾某某皆以

猶子祇服厥事。朕何愛一橫行郎。而不以寵汝。惟無忝爾祖。以長守富貴。則予汝嘉可。

武功郎

沿革宋史職官志。政和二年。詔易武選階以皇城副使為武功郎。

事實宋鄭起潛立庵集武康軍承宣使。新除樞密都承旨。兼知廬州王鑑故父煥已贈東義郎。可持贈武功郎制。朕歲祀合官。均釐同宇。凡文武自通籍而上。俾父母沾錫類之行。况秉越於帥垣。宜踴綸於禰廟。其官某故父某。躬秉義樂。素多陰功。乃生守圉扞敵之臣。教忠有自。以顯立身揚名之孝。無耀無窮。屬茲霽恩。加爾懋飾。尚欲異寵。以佑後昆。洪平齋某。順人李璟補武功郎制。勅某人。制域有華夷之辨。勛功無內外之殊。爾倡義來歸。扶忠自奮。振驍虎以貫勇。屠鯨鯢而效功。峻昇武階。用厲壯志。可韓昱特轉武功郎制。勅具官某。廼者兗渠就職于揚。逆儔猶負固于楚。元戎進討。諸將爭奮。薄城一鼓而空之。東垂以寧。第多來上。爾戰尤力。用命必賞。朕不食言。進秩四等。總徒騎以護周廬。勸功之典渥矣。益懋衛上之忠。增壯居重之勢。可吳泳。鶴林某。孫舜舉授武功郎制。勅具官某。兵法善戰者以正合。以奇勝。爾闔如虓虎。領我舟師。當海寇橫潰之時。

不以叱咤為勇。掩旗卧鼓。誘敵而襲。擒之。亦可謂以奇勝矣。朕何愛兩階。不以旌汝哉。可。程革授武功郎制。勅具官某。昔我孝宗皇帝。嘗立奉使一司。以待材用之宅。蓋謂掉三寸舌。以伐天驕。寔難其選也。爾忠勇沉鷺。有聲臨淮。軍戎萬里之情。素知諸惡。命汝伴送。仍陟二階。以寵其行。忠信而加之以敎。使不辱君命。則予汝嘉可。張大可降授武功郎制。勅具官某。朕更化之初。昭德塞遠。以禁寵賂。至嚴也。爾總戎淮西。錮於舊染。專飾苞苴。以事交結。臺臣除墨未乾。而千里之魄卒至。其速且巧如此。何不施之用。間行師乎。特鑄一官。以勵諸將。可。

武德郎

沿革宋史職官志政和二年。詔易武選階。以宮苑左右驥驥內藏庫副使為武德郎。

事實宋韓駒陵陽集入內教武郎楊楫復入內武德郎。勅具官某。前日均慶四方。與民更始。矧嘗任使。在予左右者哉。爾以忠淳坐法抵罪。盡還故爵。往服新恩。可。武節郎朱宗懿可特授武德郎。勅具官某。朕承丕緒。永惟創業之難。乃作新宮。以昭孝迎之福。爾預營繕。績為優賞。非汝私。用勸凡百。可。翟忠惠先生集承議郎鄭暉可武德郎。古者為民扞城。腹心公侯之職也。汝學於俎豆。以儒服進。而有志事功。易從武列。未詩書。

禮樂所以為將。德刑政事典禮。所以為武也。推汝所學。勉之哉。李璽鴈湖集。郭杲子郭倬。轉武德郎制。爾父杲。入扈殿岩。出鎮方面。沈鷺忠。象子之爪牙。乃者淪亡。我心用悼。加恤其嗣。所以廣恩。祥禪既終。載申前命。在唐之世。而平有子。維國有臣。前事可希。爾其知勉。洪平齋集。繆夢達。轉武德郎制。勅具官某。西洛歸疆。已奏三京之捷。東淮平寇。猶論一壘之功。爾於是行。嘗效其力。疊進官而示賞。雖去職以知禁。可表蒙齋集。繆夢達。特轉武德郎制。勅具官。朕方以信賞厲將士。爾有戰多。雖久不廢。懋哉。朕我褒寵。思報効焉。吳泳鶴林集。董有恭。授武德郎制。勅具官某。朕登大寶。凡潛邸服役之臣。咸需優恩。今一周星矣。爾援契比以請。朕何敢獨遺汝耶。益懋忠勤。思對休寵。可。董德興。降授武德郎制。勅具官某。賞罰軍國之紀綱。不可以無章也。爾董師閩粵。執訊獲醜。予嘉乃績。峻陞五階。賞既不薄矣。而乃愒淫貪戾。控于吏評。朕安得已罰乎。其歸二級。以責後効。可。趙時偁。授武德郎制。勅具官某。朕於后戚之家。不欲以恩撓法。然東朝既上尊號。命作冊寶。則推報親之恩。以廣逮下之仁。亦義之所不容廢也。用錫爾官。往其祇服。可。

武顯郎

沿華末史職官志政和二年詔易武選階左藏庫東西作坊副使為武顯郎

武節郎

沿華末史職官志政和二年詔易武選階以莊宅六宅文思副使為武節郎

事實宋韓駒陵陽集入內武經郎殿中省尚舍奉御武儒可入內武節郎制勅具官某朕布德施惠俾民自新事在赦前皆勿聽治爾嘗坐累情

實可矜稍復故官無懲前事可張廣東憲集環衛衛宗室士恣換武節郎制勅具官某朕惟環衛宗子入則奉朝請退而無私交蓋親之也武請試

吏以術業自見則夷考其素而命之亦不汝違以爾脩素矜慎操行有聞俾歸銓費易階而仕蒞官行法自此始矣可不勉哉劉行簡若溪集右千

牛衛將軍士潔依例合換武節郎制勅具官某朕惇叙近屬列處環衛厚其廩秩而不煩以官職之事至有欲自見其才願出補吏者亦所不拒

馬爾寅恭造朝閱歲既各因其有請易昇官序俾之從政其率義蹈憲毋或惰偷以速官諒則予汝嘉可洪平齋集鄧雲鵲武節郎制勅具官某

山東逆僞負固淮楚大振絕絀之氣一空狐兔之群制闕第功爾嘗鏖戰進官四等護戎湖右其日夕淬厲以稱信賞可王旻武節郎制勅具

官某山東逆僑員國淮楚大振貔貅之氣一空孤克之群制閫第功爾嘗
鏖戰峻升武級用獎驍雄仍頒戎律之嚴坐鎮邊城之重祗承異渥勉策
奇勲可李安國持轉武節郎制勅具官某比歲蜀閬失馭清旅逆遠
為民害甚於寇爾薰潔忠義奮揚驍雄扼險要待其來民恃以無恐果山
至今德之增扶旌勞嗣有褒擢可洪迺盤州集知漣水軍夏俊轉武節郎
制爾忠義奮發有志功名一障扞邊備宣勞効是增命秩以分轅門具
泳鵬林集韋鏗授武節郎制勅具官某等朕以文母璿附於廟凡曰戚
屬序遷有差于以報坤元成物之施也爾其惟忠惟孝答此寵榮可崔
福叙復武節郎制勅具官某李廣恂恂如鄰人朱然欽欽如對陳古之
良將不以叱咤為能也爾闕如號虎雄揚城下大小數十戰勇則勇矣以
言上令爾得無過乎甄叙元官尚圖補過可成顯達叙武節郎制勅
具官某往歲雲川之變驍冠之士為狂寇汙淥隸於丹書者不但汝一人
也當東朝慶壽七十湛恩汪濊與祥風俱翺如爾元官亦宜甄叙可林
熙載授武節郎制勅具官某乾道置舍人之負淳熙增解職之貴孝宗
之待閭門可謂重矣朕勵精之始率由舊章卑爾
爵林之麾釋爾禁闥之務則於一官又何愛焉可

武畧郎

沿華宋史職官志政和二年詔易武選階以內園各苑如京崇儀副使爲武畧郎

事實宋張廣東憲集張奉頰換給武畧郎制勅具官某爾頃在川陝立功累勞或需軍需遷補五官率用帥閫便宜蓋從權也今列上有司請易以真夫王言作命誠有不可已者張奉頰換給武畧郎制勅具官某頃在漢中累勞應貴率用帥閫便宜增秩今列于有司請易真命申錫贊書高注

欽哉

武經郎

沿華宋史職官志政和二年詔易武選階以西京左藏庫副使爲武經郎

事實慶遠志何旦爲士人以邊賞補班借職官至武經郎宋張廣東憲集龍神衛四廟都指揮使寧州觀察使王權父克常贈武經郎勅朕外敦隣盟內隆孝治誕敷惠澤以綏四方惟時在服之臣咸舉顯親之典具官故父某抱材不試履行有聞積善既深有子而顯屬茲大賚宜厚懸章增秩之榮武光並耀孫觀鴻慶居士某張淵武經郎制戎虜盜邊一方騷然爾以勇氣聞於西陲却敵陷堅以固吾圉論功宜賞進秩一等以勸爾

勞。益修來効。嗣有寵章。汪藻浮溪集。王琪贈武經郎制。頃者姦民。優賂
玉略。守險拒犯。吾額行。爾以偏裨。出從主帥。先登陷陣。遽沒元身。朕惟
死者人之所甚難。而至於以生易死者。非根於忠義。曷克爾哉。是用蓋然。
進官二等。尚期精爽。不昧欽承。鄭起潛立庵集。降制武郎平江府許浦駐
劄御前水軍副都統制。兼知泗州趙東復武經郎制。使功不如使過。續
過莫若以功。頃制臣謂爾有違道之罪。戒之是也。今復謂爾有角闕暴露
之勞。可不勸乎。可罰可賞。爾所自取。或奪或予。朕亦何心。盡復故官。勉圖
來効。武翼郎沈師尹復武經郎制。爾頃以暴戾于罰。茲以敎甯復厥
官。毋謂既復而不知悔。洪平齋集。淮西強勇軍統制呂深。轉武經郎制。
勅具官某。迺者山東逆僞。敢犯王畧。大振貔虎之氣。亟正鯨鯢之誅。制閫
第功。以爾鏖戰。進官三列。仍統一軍。其日夕淬礪。以稱信賞。可。楊樸贈
武經郎制。勅具官某。爾結髮從戎。熟知虜勢。赤心報國。竟死邊鋒。陞再
級。以示褒。俾列也之知勸。可。吳昉特轉武經郎制。勅具官某。敍將中
軍。溱為之佐。替籌幙府。每難其材。爾從元戎。備殫婉畫。躋榮一列。毋替忠
勞。可。江陵府副都統孟珙特轉武經郎制。勅具官某。方城為城。漢水
為池。天險也。制閫設險加嚴。峙芻糗。具春屯。滹深培高。屹然金湯之固。第

勞來上。爾實程督進秩二等。用勸事功。可。兵部。林集陳大紀。降授武經郎制。勅具官某。刑之類。類獄之致紛。國僑所恥也。爾守雷陽。不靖共于位。而乃牢屬邑之令。整鄰州之守。且與犴戶。戕及無辜。其為類放紛。不以多乎。鑄汝一階。是為寬典。可。林景衡授武經郎制。勅具官某。閩門解罷。稽其功緒。而進以官。淳熙舊典也。爾素閑朝儀。出領遐障。遂以毫及玷于臺評。界之祠廩。所以示懲也。今吏銓以解職之貴為請。仍進一官。所以示勸也。勸懲是用。朕亦何心之有可。張旺授武經郎制。勅具官某。往歲江西捕賊。有司上首功。率各有差。爾總師于與官軍大小二十七戰。出則在諸營先。賞則居功臣次。亦退然有馮將軍之風矣。其陟一階。以勸諸校。可。徐珂授武經郎制。勅具官某。海瀕之民。不霑王化。結約諸峒。弄兵僭竄之間。爾攝守昌化。分遣官軍。左倚右截。衝散舟於石牌浦下。徑取鯨鯢而戮之。亦可謂雋功矣。陞之二階。以勸諸將。可。劉元實授武經郎制。勅具官某。等。朕執爵賞之柄。以馭其幸。爾朴幹才之敏。爾元實職掌之勤。雖曰沂邱戚屬。而勤敏寡過。所以叙遷有差。示不私也。然而幸豈可數哉。爾宜勿懈于位。可。李大聲授武經郎制。勅具官某。江右盜起。朝廷設封賞之科。以迪有功。爾統率淮軍。糾敵王愬。洗

賊策而殲之。遂使一方之民復還有生之樂。亦可嘉矣。晉職三階。以勵諸將可。

武義郎

沿華宋史職官志。政和二年。詔易武選階。以

事實宋張廣惠。憲集宮受轉武義郎制。勅具官某。聞者盜發武崗。峰也境上。爾統率士伍。斬獲為多。其增一官。以示信賞。鄭起潛立庵集金州觀。察使添差淮東馬步軍都總管賀靖父。已贈訓武郎。永壽特贈武義郎制。朕以犧牲玉帛。藏事合宮。而推其福於中外。為人子者。舉得光榮其親。所以廣孝治也。具官某。父某。積善有餘。克昌厥後。是生賢息。為吾虎臣。屬茲霽恩。申加懸師。以示教忠之勸。靈而不昧。其克顧哉。

武翼郎

沿華宋史職官志。政和二年。詔易武選階。以供備庫副使為武翼郎。

事實宋韓駒陵陽集。王孝忠換武翼郎。勅具官某。士有鷲勇之姿。沉毅之略。雖身在絕域。朕豈遺之哉。驟命之官。往思自奮。可張廣東憲集紀道。轉武翼郎制。勅具官某。頃者群醜弄兵。擾吾赤子。爾職在巡警。斬獲有功。是宜褒嘉。以昭信賞。鄭起潛立庵集。故忠訓郎興元都統制司中軍統。

制權知巴州杜沂。贈武翼郎制。守禦捍敵之臣。誠死城郭。封疆。爾。爾。守巴郡。提師嬰敵。轉戰累日。以衆寡不敵。而歿。可謂死城郭。封疆者矣。朕甚痛之。爰詔司勳。進官而錄其後。忠魂未泯。歆我懇章。虞傳。尊白堂集。興州統制。祿禧。牧馬賞授武翼郎。朕惟軍中牧養之令。歲。給其駿殿之數。而賞罰之。爾善於其職。而不乏吾事。主帥以名來上。何愛一官。不以為爾寵乎。洪平齋集。同鼎武節郎。來伯友。武翼郎。王聞顯。武節大夫。呼延賞。武翼郎制。勅具官某等。漢開降者。封賞之科。唐著異域。歸忠之傳。爾委身王國。効力邊城。疊二秩以升華。肩一心而圖報。可。龐謙。轉武翼郎制。勅具官某。滁陽介于兩淮。恃城以為固。修壞植圯。爾與有程督之勞。進官二列。用示教厲。厄藏鍊門。勿憚艱業。可。李福。通竹溪集。陽魏永昇。換給武翼郎。朕念師老敵堅。士卒苦戰。有功必錄。不以疑廢。爾久於行伍。累賞得官。執符而來。不加考覆。而易以真命。可謂優矣。其勉爾忠。以圖報稱。具沐鶴林某。張范。降授武翼郎制。勅具官某。風俗之好為欺誕。文武一律也。爾為浙西兵鈴。以難運覓官。言之則利析秋毫。行之則一籌不盡。寧不誤我王事哉。其上一階。尚云寬大。可。終夢達。降授武翼郎制。勅具官某。昔嚴延年為河南守。坐選舉不實貶秩。然所舉但獄吏爾。况長百里之寄。

者哉。爾擢自右科。出衆選。意謂必能友賢。字民。以開布大信。辟舉之際。既失其平。尚何以慰吾塞外吏士耶。一秩之遷。實遵漢法。可。齊敏授武翼郎制。勅具官某。盜起廣右。朝廷設封賞之科。以勸有功。爾總戎于龍。奮身不顧。援弓赴敵。射殺渠魁。厥功偉矣。雖以遠平江西之勞。晉秩三級。然賞不嫌重。朕何愛一資。而不以旌汝。可。姜昂贈訓武郎。李師舜贈武翼郎制。勅具官某等。往者盜憎官吏。弄兵三衢。爾等乃能率羸弊之兵。當鴟張之寇。窮冒矢石。致殲元身。其眎望風先奔者。有間矣。各贈三官。仍錄其孤魂。而有知。尚服休寵。可。劉燾贈武翼郎制。勅具官某。紅賊負國家海涵春育之恩。穴我淮楚。爾統轄樓船。攻打淮陰城壁。為飛矢誤中。遂殞元身。亦可憫矣。贈官字孤。屬安營。可。閻安義馮琳並授武翼郎。閻廉民授保義郎。閻康年授忠翊郎制。勅具官某等。朕以美人閻氏違事先朝。命之不淑。至于云逝。茲攬遺言。以近屬轉秩為請。寧不惻然。遣汝一階。勉旡厥命。可。周喜授武翼郎制。勅具官某。頃者襲賊不武。王命出沒建邺之間。爾統殿司兵。自戍所赴唐石。盡銳鏖戰。殄殲渠兇。卒能洗賊巢而空之。汝之功勩。其偉哉。晉陟二級。以勵三軍。可。張旺授武翼郎制。勅具官某。三衢寇遁。畿甸頃者。愚民盜弄。棘矜於山谷間。長吏失職。

不能綏安。至勤王師。越境擒捕。茲豈朕本心哉。有司上功。退爾二秩。庸示
褒勸之典。可。張翼降授武翼郎制。勅具官某。昔我孝宗。矜恤歸附。憫
其貧則與四任添差。試其才則與釐務差遣。載在實訓。可覆視也。爾中原
遺民。仗義歸我。抵後淮右。亦既有年。授汝以護戎之官。華汝以轉秩之寵。
此皆舊比。往服新休。可。黃公輔降授武節郎。何杞降授武翼郎制。勅
具官某等。昔我真宗皇帝。謂交廣之民。去朝廷遠。當選操心平允。能安遠
人者任之。爾杞守橫州。殖貨自豐。不恤其屬。是操心不平矣。爾公輔守象
州。苛取重斂。征及士夫。是不能安遠人矣。朕於往訓。寔有愧焉。各錫二階。
可。鍾興嗣降授武翼郎制。勅具官某。昔我孝宗。矜念兩淮。戒飭疆吏。
應佃田植桑。馬草木炭。不許科抑。入戶明訓具在也。爾守歷陽。科率數鰥。
又越四條之外。民何以堪。持錫二階。仍奪祠廩。少慰邊方之民。可。許應龍
東湖集趙冲何象等。並授武翼郎。孔武有力。拱扈嚴宸。服勤累年。挽強
應格。並授勇爵。仍錫身
章。往服榮恩。勉圖忠報。

敦武郎

沿革宋史職官志。政和二年。詔易
武選階。以內殿承制為敦武郎。

事實宋韓駒陵陽集郭六斤換敦武郎賜名芹制 勅具官某。士為氣俗所激。思建事功。而以遠故棄之。則非朕兼取之意也。今命爾官。往體予意。可。修武郎韓渭捕賊有功。可敦武郎。勅具官某。爾自行伍。授職軍門。踊躍先登。計級受爵。至通朝籍。可謂壯士矣。可。從義郎賈昊武翼郎秉義郎元亨敦武郎 勅具官某等。三谿之盜。汝實辟之。累增其官。尚勤汝力。可張廣東寬集張令衍轉敦武郎制 勅具官某。聞者淮壖有備。爾等是資。爾祇事機庭。厥勞可錄。增秩示勸。益勵乃勤。尚惟寅轉敦武郎制 勅具官某。聞者嚴奉慈寧典冊。以爾乃第。祇事有榮。預增秩之賞。援例自言。請貤恩于汝。往服申命。圖報母恩。祁慙押川陝馬特轉敦武郎制 勅具官某。爾隸伎間外。積有戰多。駟駿西來。復勤調護。有功則賞。朕何靳焉。併頒贊書。以為爾勸。張德純換給敦武郎制 勅具官某。頃者關陝用兵。第功行賞。爾於行陣。預有勞能。屢被優恩。尚稽真授。茲用易界。其務欽承。趙永轉敦武郎制 勅具官某。聞者汝陰之戰。士氣百倍。爾於行陣。新獲居多。莫府策功。躡陞朝秩。中錫書命。式勸爾忠。劉行簡荅溪集王松政轉敦武郎制 勅具官某。爾奮身戎行。以勞見錄。併陞官秩。是曰異恩。益勵後圖。無羞朕命。可。王勝叙復敦武郎制 勅具官某。爾以事貶

秩既洗心前。甄叙之恩。務從優。宜知奮勵。以稱寵榮。可。殿前司拍試。到舊行門孫佐。王節。周宣。李勝等武藝與換敦武郎制。勅具官某。爾以虎士警衛周廬。易畀官職。是惟舊典。服此休命。無改厥勤。可。長入祗候東西班。都知權信。可敦武郎制。勅昔類高之弓六鈞。拔或未進。而由基之射七札。忠則無間。爾隨戰有年。復工乎射。比如閱試。藝頗絕倫。往即銓曹。畀官武列。服于寵命。毋忘効忠。可持授敦武郎。

修武郎

沿革宋史職官志。政和二年。詔易武選階。以內殿崇班為修武郎。

事實宋韓駒。浚陽軍劉宇。授修武郎制。勅具官某。朕於武爵。非輕也。自一級以上。再闕然後遷。至于陞朝。可謂難矣。今爾徒以義勇一朝而得之。勿謂得之易。而守之不勤。可。劉延暉等補修武郎制。勅具官某。世雖上文。兼收武士。超闕負重。無不用之。爾等資稟肅莊。勇而好義。量才授爵。往奮其奇。可張廣東。寬其朱洵。轉修武郎制。勅具官某。聞者監發武闕。獲吾赤子。爾親戎行。預有勞效。宜增厥秩。以示優恩。臧琳轉修武郎制。勅具官某。山陽為郡。據兩淮要害之地。往時主將。嬰城自守。汝在其中。有足嘉者。增秩二等。廣示不忘。王貞換給修武郎制。勅具官某。聞者宿

兵陝西。師出屢勝。爾於行陣。嘗立戰多。而師聞以便宜補官。猶稽其後。茲從易畀。以為爾榮。劉千修武郎制。勅具官某。國家置司市馬。厥費不貲。爾部送在途。覽者過半。奪官一等。姑示薄懲。魏葵轉保義郎。吳忠轉承信郎。彭孚轉修武郎制。勅具官某等。比遭虜使。通問軍前。爾等嘗從其後。與有馳驅之勞。肆增厥官。以為爾寵。霍青換給修武郎制。勅具官某。頃者聞陝用兵。膏公屢奏。爾於行陣。斬獲為多。命秩之褒。尚稽真授。茲用易畀。其充欽承。高遇孫成。並轉修武郎制。勅具官某等。聞者敵人來侵。王師禦侮。爾居行陣。斬馘執俘。錄爾之多。增秩二等。往服朕命。益勵乃志。劉俊村。績集殿前指揮使。左右班包秀等。特授修武郎制。爾服勤禁衛。積閱歲時。乃序情而閑勞。俾參選而入仕。可鄭起潛。立庵其故承信郎。充瓊州樂會縣令。唐仲珍。贈修武郎制。君子疾沒世而名不稱。死事尤所當恤也。爾初階右列。為瓊之樂會令。亦有志於事功者。遭值寇擾。提兵勇往。遇寇而殘。朕甚憐焉。道官而錄其後。庶幾幽壤。知我追褒。故進義副尉。董陽忠。義中軍統制。孟宗德。贈修武郎制。恤死事所以厲名節也。端乎秦陽之難。爾一門忠義。父子死敵。功著而官未顯。身歿而名不彰。何以旌既往而勸將來。超以勇爵。併錄其孫。忠魂如生。歆我恤典。衛後